

BONERIANO®

Nos amigu nan ta un bendishon tripel, nan ta bin, nan ta keda i nan ta bai

EDITOR:
Bonaire Communication Services N.V.

Djabièrnè 7 yüli 2023 |

Preis: \$1.25

KONFLIKTO DI INTERES?

Kurasoleñonan a selebrá riba barku



Riba iniciativa di Stephen Rosario, algun kurasoleño bibá na Boneiru a selebrá dia di bandera di nan isla ku un tour den bahia di Kralendijk na bordo di e barku Melisa. Foto ta mustra e grupo aki gosando di "nan dia".

MANTENE BO
VEHIKULO OF
EKIPO DEN
KONDISHON
KU PIESANAN
KUMPRA NA NAPA



CHANGAN AUTO



MD201 CARGO BOX

[/dabboussimotors](#)

xerox™



OBERSI
ELECTRONICS
BONAIRE



Despues di resultado di Telbo

ABVO lo tuma medida

KRALENDIJK—Segun sindikato ABVO, referèndum di Telbo no a kana segun reglanan ku lei ta stipulá. Pa e motibu aki segun e sindikato, kualke resultado di e referèndum ta nulo. Esaki ta ABVO su punto di bista, i for di un komienso a bisa esaki. Manera ta konosí, resientemente trahadónan di TELBO pa medio di un referendum, a skohe un sindikato pa representá nan. E sindikato den un komunikado ta duna di konosé di a tuma nota den korant di e intenshon pa tene un referendum. ABVO ta mira esaki manera un falta di respèt, siendo ku ta nan ta representá e gran mayoria di e trahadónan di Telbo, pa mas ku 20 aña. Mas importante pa e sindikato ta e echo ku, conforme di lei mediadó mester notifiká e sindikatonan ofisialmente di intenshon di un referendum i palabrá kon e trayekto lo bai kana. Esaki no a tuma lugá na ningun momento. Banda di esaki, mediadó ta notifiká ABVO riba un djabièrnè ku lo bai tin referèndum e siguiente djamars, kual ta nifiká ku ABVO lo no tin sufici-

ente tempu pa por yama su miembronan i informá nan debidamente. Segun ABVO esaki tambe ta un fayó grandi di mediadó, mirando ku lei ta stipulá un periodo mínimo di 14 dia entre notifikashon i dia di referèndum.

No di akuerdo

ABVO a duna di konosé bon kla, i for di un komienso, ku e no ta di akuerdo ku e manera ku kosnan ta kana, i asta tabata den proseso pa entamá un kaso sumario pa para e referèndum. Den kaso aki, lo tabata sigur ku e referèndum lo no a tuma lugá riba dia 4 di yüli. Lamentablemente no tabatin hues disponibel na Boneiru a korto plaso pa por tuma e kaso. Ounke mediadó a tuma kontakto ku ABVO pa negoshá un otro dia pa e referèndum, a keda para riba un periodo kòrtiku, apesar di e reglanan den lei. Ademas di e punto aki, no tabata posibel praktikamente pa representantenan di ABVO yega Boneiru asina lihé. Mediadó a purba di konvensé ABVO ku nan por manda kualke representante Boneiru pa tei presente na e referen-

dum, kaminda presidente i direktiva kompleto di AFBW si tei presente.

Posishon

ABVO ta tuma su responsabilidad na serio i ta haña vital pa e tambe por tei presente pa su miembronan. E motibu pakiko mediadó tin tantu purá asina pa tene e referèndum, ta keda un misterio pa ABVO. No tin ningun urgensia pa tene referèndum purá promé ku fakansi, komo ku Telbo tin su CAO ku ta válido te ku fin di aña. Pues referèndum por a tuma lugá debidamente i conforme reglanan despues di fakansi. ABVO su posishon ta kla! E sindikato nan lo tuma medida nesesario kontra di e referèndum aki. ABVO ta para pa stabilitat, madures i seriedad. Referèndum ta un kos serio, ku mester kana segun lei ta stipulá. Reglanan no tei por nada i ta nesesario pa garantisá interesnan di no solamente sindikato, pero tambe di tur trahadó ku mester tuma un desi-shon importante manera esaki. E sindikato finalmente ta indiká ku sòpi purá ta sali salu, i den kaso aki,

meskos ku voto di partido polítiko, un referèndum ku no a kana conforme lei, no ta unu di kual por respetá e resultado.

ABVO lo bai tuma ak-

shon tambe kontra di e ponensia ku ta tuma sèn di miembresia i ku tur esaki ta bai Kòrsou. ABVO ta eksigí rektifikashon pa esaki.

A bai sosegá den brasa di Señor

Angeline 'Linchi'

Lucenda Cecilia

28-08-1976 - †02-07-2023

Su yunan:

Laraine 'Fiona' Martes i Qwensley C.

Rodion Martes

Aishrick Martes

Nietunan:

Mäson i Näson Domacassé

Tata:

Juan 'Caito' Cecilia

Mama:

† Ermelinda 'Lina' Cecilia

Rumanan:

Eddy Cecilia

Senaida Cecilia

Albertico Cecilia i Angelique Schnitzler

Julien Cecilia i Fransisco Marcera

Ruman di kriansa:

Rayenne Sintjago i yunan

Tata di su yunan:

Roderick Martes

Subrino-subrinanan:

Juanito, Rayshanty, Junaida, Alberseeto, Quenna, Kiara, Quinton, Florentijn, Luren. Tur ku nan respektivo famia.

Tantenan:

Ailin, Elka, Aivy

Tionan:

Geronimo, Benito, Sigfried, Policarpio.

Tur ku nan respektivo famia.

Prima- i primunan:

Gaby i ruman, Gerda i rumannan, Renfred i ruman, Sonny i Erika, Lindomar i rumannan, Fitzgerald i rumannan, Zuraiska, Ryanne. Tur ku nan respektivo famia.

Danki special na:

Gidyona, Maatschappelijk werkster Naidi, Thuiszorg Palliatieve Zorg. Dra. Lont / afd. Oncologie FMD.

Eks-koleganan: Rum Runners, Rob van den Berge i famia, Warehouse Bonaire, Bonaire Food Group, Pietersz Bonaire, Fresh Supplier Bonaire.

Tur su bon amiga- i amigunan. Bisiñanan.

Demas famia:

Cecilia, Trinidad, Trinidad, Mercera, Marcera, Sint Jago, Cicilia, Janga, Martes, Beaumont, Koffie, Francees, Thomas, Melaan, Offerman, Jansen, Finies, Thodé, Frans i Koffy.


Si akaso nos por a lubidá un famia òf konosi den nos tristesa nos diskulpa.

Despedida di Angeline 'Linchi' ta tuma luga djasabra 8 di yüli na Consuelo Memorial. Ta risibi bishita di kondolensia di 1'or pa 3'or sigi pa sirbishi despues pa kremashon.

Por favor asistí na trahe alegre.

Despues di despedida no por risibi bishita di kondolensia na kas.

Preferible no manda krans pero hasi un donashon na Voedselbank. Lo tin un buzón.



Pronóstiko di tempu pa Boneiru

Djaweps 06 te Djabièrnè 07 Yüli 2023

Parsialmente nublá i predominantemente seku

Ta parsialmente nublá i lo keda predominantemente seku. E temperatura máksimo lo ta aproksimadamente 33°C, e temperatura mínimo mas o ménos 27°C. E bientu ost ta moderá te basta fuerte, forsa 4-5.

Altura di ola: aproksimadamente 1-2 m (3-7 pia)

Bonaire Krant

UW EILAND, UW KRANT!



KONFLIKTO DI INTERES?

KRALENDIJK- Tin indikashon fuerte ku ta bai muda Kolegio Ehekutivo (BC) i ubiká esaki den e edifisio na Kaya L.D. Ger-

harts kaminda ántes tabata Maduro & Curiels Bank (MCB). Segun nos fuentenan e edifisio aki ta pertenesé na

Karel Visser i e montante na hür ku mester bai paga ta basta haltu. Un informashon ku segun Visser ta eróneo. “Ami no ta doño di

e edifisio ainda. Mi a firma un kontrato ku MCB pa kumpur’é pero pa motibu di alargashon di ‘erfpacht’ e akto no por pasa ainda”, el a splika.

E echo ku Visser ta afiliá na partido polítiko UPB a lanta e impreshon di konflikto di interes. “Mi sa di e insinuashon aki i mi no ta preocupá pasombra no ta kuadra. Ademas Kolegio Ehekutivo lo no muda pa e edifisio aki.”

BONERIANO a tuma kontakto ku Elvis Tjin Asjoe i e ta konfirmá ku lo muda Kolegio Ehekutivo pero no pa e edifisio na Kaya L.D. Gerharts. “Pa basta aña e edifisio aktual di BC no ta apto pa entre otro motibu di seguridat pa ku kandela”, Tjin Asjoe a splika.

Segun nos informashon BC lo muda pa e edifisio banda di Digicel ku ta pertenesé na e komersiante Xuwen Chen. E intenshon ta pa ubiká BC aki den pa un periodo di 3 aña.

Den e edifisio anterior di MCB, ku pronto lo bira di Visser, lo ubiká e departamento Informashon Komunikashon Teknologia (ICT) i departamento di Pòst i Ar-

chivo.

E pregunta ta surgi si bèrdat e impreshon di konflikto di interes ta hustifiká, mirando ku Entidat Públiko Boneiru (EPB) ta bai hasi negoshi ku un persona afiliá na un partido ku ta parti di koalishon. Segun Tjin Asjoe na Boneiru ta kasi imposibel pa evitá e impreshon aki. “Nos ta un komunidad chikí i komo tal ta lógiko ku ta traha ku personanan di un manera òf otro afiliá na polítika”, el a agregá.

Den e kaso aki mester mensioná ku mas ku un aña promé ku elekshon a kuminsá dialogá ku Visser tokante e edifisio aki. “No ta ami a aserká nan. Gobièrnu a skohe ami 1,5 aña promé ku elekshon. Ademas ami no ta traha pa gobièrnu, tampoko mi ta den niun funshon públiko”, Visser a enfatisá.

Mester mensioná ku Visser den kombersashon ku BONERIANO a suprayá su orguyo pa ta propietario di edifisionan importante riba nos isla.

“E echo ku ainda tin edifisionan riba nos isla den man di boneriano, ta algu pa gaba”, el a ekspresá.



Na favor di konstrukshon bibienda pagabel

Akuerdo pa kombatí pobresa di energia

KRALENDIJK -- Durante e konferensia di prensa di 29 di yüni na e sitio di konstrukshon na Hato, a firma un akuerdo ku ta bai tokante konstrukshon aselerá di bibienda pagabel na vários sitio bou di kua na Hato, komo tambe un akuerdo pa kombatí pobresa di energia.

Diputadonan Henyson Thielman di Konstrukshon di Bibienda, Ordenamentu di Espasio i James Kroon di Bibienda Sosial i FCB, a firma e akuerdo huntu ku Ben Oleana di Fundashon Cas Bonairiano, Joanne

Balentien-Nicastia di WEB i Minister Hugo de Jonge di Bibienda i Ordenamentu di Espasio.

Huntu ku Kolegio Ehekutivo, e minister a anunsiá di ki manera e añanan ku ta bini ta duna contenido na e tarea di konstrukshon di bibienda pagabel, yamá tambe dil di bibienda. Asina riba término korto tin mas bibienda pagabel na Boneiru pa diferente grupo di enfoke manera hende hóben, hende grandi i pa biba bou di guia pa gruponan vulnerabel di enfoke.

E dil di bibienda ta parti di desaroyo di área i ta un di e prioridatnan di Entidat

Públiko Boneiru pa e 4 añanan benidero.

Ademas a papia tokante e programa di desaroyo di espasio, ROP CN i e plan di desaroyo di espasio Boneiru, ROP. Posibilitatnan relashoná ku un desishon di bienestar pa Boneiru asina por salvagardiá aspektonan karakterístiko relashoná ku naturalesa i kultura.

Konkretamente a hasi palabrashon tokante término di entrega, trayekto di kontinuashon i momentu di prolongashon di e desishon di preparashon pa yega na stipulashon di ROP CN i ROP.



Premionan grandi Landsloterij:

1. 16435
2. 6427
3. 34559

POLÍTIKA

Segun Daisy Coffie:

“Nos ta pèrdiendo nos Boneiru outéntiko”

KRALENDIJK - Frakshon di M21 a tuma nota di e rapòrt ku a sali resientemente bou di e título “Verunningverlening, toezicht en handhaving (VTH) door het Openbaar Lichaam Bonaire”. Esaki ta un asina yamá ‘nulmeting’ (un bista di e situashon aktual) riba enkargo di sekretario di estado di Infrastruktura i Maneho di Awa. A hasi un investigashon spesífikamente riba dunamentu di pèrmit, supervishon i

mantenshon di lei pa loke ta trata eheshon di e tareanan akí relashoná ku konstrukshon, medio ambiente i naturalesa.

E rapòrt final ta konsistí di kasi 70 página i ta terminá ku un konklushon i vários rekomendashon. E konklushon ku henter e sistema di duna pèrmit, pero tambe e sistema di supervisá i mantené nos reglanan i leinan riba tereno di konstrukshon, medio ambiente i naturalesa no

ta bon, no a bin komo sorpresa pa frakshon di M21. Durante e periodo tras di lomba ta hopi kaso tabatin ku a bin den publisidat, kaminda klaramente por a konstatá violashon di nos reglanan i leinan, konstrukshon ilegal, akusashon di metementu di polítika den maneho, empleadonan públiko ku lo ta violá nan huramentashon, kultura di miedu den e aparato ets.

Kasonan manera e rotònde na Kaya Amster-

dam, konstrukshon di e di 5 piso, kaso di Chogogo ku menasa serio kontra empleadonan públiko, rapòrt di periodistanan di “Follow the money” ku a eksponé ròl di nos eks gezaghèber negativamente, posibel partisipashon di mandatarionan den desishonnan dudoso ta fresku den nos memoria. Loke e rapòrt a hasi ta pone lus skèrpi riba e mal funshonamentu aki.

Loke mas ta preokupá nos frakshon ta ku e rapòrt ta kuminsá ku e rekomendashon pa gobièrnu Hulandes riba término korto pone eheshon di henter e pakete di duna pèrmit, supervishon i mantenshon di lei pa loke ta trata konstrukshon, medio ambiente i naturalesa bou di un servisio na Hulanda. Pues miéntras nos ke konvensé Hulanda ku nos mester haña mas outonomia den nos asuntunan interno, tin un desaroyo ta bai nèt kontrali.

A keda probá ku e aktual gobernashon ku ta un kontinuashon di e koalishon UPB-MPB ku a sinta for di 2019 ta inkapas pa goberná e isla akí i ta pone ku Boneiru ta pèrdè su outogovernashon poko pero sigur. Den e kaso di Chogogo Konseho Insular unánimamente a akseptá pa bin un enkuesta, pero te awe ni sikiera a bin huntu pa papia kon ta bai organisá e enkuesta aki. A kue e asunto di rotònde tap’è i te awe no tin klaridat ken ta responsabel pa loke a pasa na e rotònde. Henter e asunto ront di Bonaire Holding Maatschappij, inkluso e asunto di lus di e vèlt a keda tapá. No a

hasi apsolutamente nada ku e informashon di kultura di miedu ku ta reina den e aparato i ku e eks direktor di direktorado di Planifikashon i Desaroyo, sr. Etienne v.d. Horst a ilustrá asina kla durante un presentashon den Konseho Insular.

Ta p’esei frakshon di M21 a tuma su tempu pa lesa e rapòrt aki promé ku nos a sali ku nos promé reakshon. Opviamente nos lo buska apoyo den Konseho Insular pa asina ku reseso terminá trese e tópiko aki den diskushon públikamente. Frakshon di M21 ta sumamente preokupá.

E kresementu di nos poblashon deskontrolá, konstrukshonnan deskontrolá ku ta tumando lugá, menasa serio kontra medio ambiente i naturalesa, kombiná ku un falta total di supervishon i mantenshon di nos reglanan i leinan eksistente, falta di regulashon nobo pa kompanianan ku tin efekto serio riba nos naturalesa i medio ambiente ta indikashonnan ku nos ta pèrdiendo nos Boneiru outéntiko. Ta indikashonnan ku poulatinamente nos ta destruyendo nos Boneiru i ku nos ta stroba nos futuro generashonnan ku nan por disfrutá di e Boneiru ku nos antepasadonan a konstruí pa nos. E desaroyo akí no por kontinuá i M21 sigur lo buska apoyo den Konseho Insular pa nos posishoná nos mes den un forma kla i fuerte, ku un kuadro di maneho pa protehá i salvagardiá interes di e isla akí i su poblashon. Nos mester aktua awor i no warda mas.



Stichting Jeugdwerk Jong Bonaire zoekt jou

Stichting Jeugdwerk Jong Bonaire is een naschoolse jeugdontwikkelingscentrum gericht op jongeren in het voortgezet onderwijs in de leeftijd van 12 t/m 21 jaar en heeft als doel de jeugd van Bonaire, ongeacht ras, godsdienst, nationaliteit, huidskleur of sociaal financiële positie te helpen zich te ontwikkelen tot voorbeeldige volwassenen.

Met ingang van **01 september 2023** zijn wij op zoek naar:

- **twee sport en spelleiders** (minimaal MBO niveau) 30 uren per week.

Functie beschrijving:

Directe ondersteuning van de doelgroep door het organiseren en uitvoeren van activiteiten om de zelfstandigheid en zelfwerkzaamheid van de doelgroep te vergroten en verbetering van het woon-, leer- en leefklimaat te bewerkstelligen.

Specifieke functiekenmerken:

- * je voert activiteiten uit die een educatief en recreatief karakter hebben;
- * je begeleidt deelnemers bij activiteiten, zowel individueel als in groepsverband;
- * je bent mondelinge uitdrukkingsvaardig voor het overdragen van informatie en het geven van instructies bij activiteiten;
- * je geeft advies en informatie over onderwerpen van zakelijke en meer algemene aard;
- * je assisteert andere Sport en Spelleiders bij bedenken, organiseren en uitvoeren van activiteiten, cursussen, instructies, voordrachten en dergelijke;
- * je verricht bijbehorende administratieve werkzaamheden;
- * je denkt actief mee over het verbeteren van de dienstverlening;
- * je legt en onderhoudt contacten met familie/verzorgers;
- * je signaleert wensen, behoeften, problemen en ambities van de deelnemers.

Wij zoeken:

- * opleiding op MBO-niveau;
- * creativiteit met interesse voor kunst, mode en schoonheid;
- * sterke communicatieve vaardigheden;
- * affiniteit in omgang met jongeren.

Bij gelijke geschiktheid gaat de voorkeur uit naar een vrouw.

Voor de vacature geldt dat een Verklaring Omtrent het Gedrag overlegd dient te worden.

Uw sollicitatiebrief met CV en referenties richt u per e-mail aan Sue-Ann Zimmerman, met als

onderwerp: sollicitatie sport en spelleider.
e-mailadres: secretaresse@jongbonaire.org

Sluitingsdatum voor de vacature: 11 augustus 2023.

St. Jeugdwerk Jong Bonaire Kaya Lib. Simon Bolivar 16, Bonaire tel: 599 717-4303
secretaresse@jongbonaire.org Facebook Jong Bonaire MCB Bonaire Bank: 103.716.01

HUSTISIA



OM trahando riba transparensia

KRALENDIJK- Tin tur indikashon ku Ministerio Públiko (OM) ta trahando riba transparensia pa ku komunidad. Djamars 11 di yùni lo tin e segundo enkuentro ku fiskal mayó Walter Kupers. No ta un sekreto ku spesialmente

den e último 2 añanan den prensa i den komunidad a krea e impreshon ku OM no ta papia palabra kla. Informashonnan ta yega na prensa i komunidad miéntras OM no tabata papia habrí. Lògikamente esaki a krea un imágen no masha

positivo di un organisashon primordial den nos komunidad. BONERIANO na vários okashon a kuestioná e proseder aki di OM. Awor por nota klaramente e intento di OM pa komuniká mas habrí i mas regular ku prensa. Esaki no solamente ta duna e impreshon di transparensia, ademas ta duna prensa di Boneiru e rèspèt i seriedad meresí.

Final di dia, silensio no ta stroba informashon di sali na kla.

Pero transparensia ta sòru pa e informashon korrektu yega den komunidad.



No tin keho kontra Korte

KRALENDIJK- Siudadanonan di Boneiru no tin nada di keha pa ku Korte di Hustisia, mirando ku niun hende a entregá keho kontra Korte. Esaki ta pará den e relato anual 2022 di Korte Komun di Hustisia. Un persona a entregá vários karta deskribiendo su keho pero pa motibu ku esaki no ta kai bou di e areglo di keho, no a mensioná esaki den e relato anual.

BONERIANO ta konosí ku e kaso aki, ta trata di e persona ku inicialnan P.Y.


E siudadano aki pa añanan largu ta tilda básikamente henter e kadena hurídiko di ta violá su derechi. Dado momentu a prohibié pa drenta den e edifisio na Fort Oranje.

Apesar di splikashon di diferente hues P.Y. ta insistí ku Korte i demas huristanan ta perhudik'è.

Mester enfatisá, kada persona tin derecho di entregá un keho na bestür kontra di Korte pa motibu di e forma ku el a wòrdu tratá na sierto okashon. Por

ehèmpel, si bo ta di opinion ku a tarda muchu pa bo haña reakshon riba un karta, petishon òf tratamentu di kaso. Por keha tambe si bo ta haña ku un persona ku ta traha na Korte no a trata ku bo na un manera korekto.

Mester remarká ku no por usa e areglo de keho si bo ta malkontentu ku un veredikto di hues, òf otro desishonnan di kontenido. Den e kaso ei por bai kontra di esaki den u kaso di apelashon.



Lucha inkansabel kontra SGB

KRALENDIJK- E eks dosente Amilea P. a bolbe hiba Komunidad di Skol Boneriano (SGB) dilanti hues pa loke e ta insistí di ta un gran in-hustisia. P. ta den un bataya basta duru kontra SGB pa loke e ta konsiderá retiro no hustifiká. Un bataya ku a kuminsá for di aña 2019. Mientrastantu esaki ta e di seis proseso hurídiko ku P. ta entamá kontra e skol.

P. a drenta servisio nan aña 2019 komo dosente di e materianan Físika i Kímika. SGB a kita P. for di trabou usando komo motibu e echo ku P. no tabatin diploma òf kualifikashon pa por duna lès. P. na su turno ta bisa ku a kit'e pa motibu ku e tabata den Konseho di Partisipashon di e skol i e tabata basta krítiko. Segun P. semper SGB tabata na haltura ku e no tin e diplomanan rekerí.

BONERIANO na vários okashon a publiká artíkulo tokante e kaso tumando lugá den Korte. For di aña 2019 P. a demandá pa SGB sigui pag'e su salario. Den luna di sèptèmber 2019 hues a rechasá e demanda aki despues di un huisio sumario. Yùli 2020 Hòf a bai di akuerdo ku e desishon pa rechasá e demanda aki. P. a sigui ku e bataya i a entamá un 'bodempcedure' i a pèrdè esaki riba 23 sèptèmber 2020. P. a apelá i yùli 2022 el a pèrdè e apelashon.

Abogado mr. Anthony Nicolaas a representá P. durante henter e proseso, miéntras abogado mr. Sophie van Lint a representá SGB.

Awor P. a kuminsá e prosedura pa revoká e apelashon. E ta basa esaki indikando ku SGB a

kometé engaño, pa medio di falsifiká algun dokumentu i entregá esaki na Korte. P. a para 'riba ku SGB a kòrta i plak kos riba un dokumentu. Pa sostené e ponensia aki P. a entregá un rapòrt di 'Nationaal Forensisch Onderzoeksbureau (NFO). Aki nan a investigá e dokumentu i a konstatá ku bèrdat a kòrta i plak riba esaki.

Durante tratamentu di e prosedura P. na un manera basta fuerte a splika su banda di medaya, tabata opvio ku aki ta trata di un kaso di prinsipio pa e eks dosente. Pa P. Korte di Apelashon a duna SGB rason a base di e dokumentu falsu, pues dor di engaño di parti SGB. Un bia mas P. a demandá pa SGB sigui pag'e salario.

"Amilea a pèrdè tur sentido di realidat. El a gaña riba su CV. Ta ken a kometé engaño awor? Kuater instansia a disidí tokante esaki. I awor mester drai tur kos bèk?!", abogado van Lint a bisa.

SGB a eksigí pa P. paga e gastunan di prosès hurídiko kompletamente. Nan a basa esaki riba e echo ku kada bia P. kuminsá un kaso, ta obligá SGB pa usa un abogado lokual ta trese basta gastu pa nan.

Mester mensioná ku Korte a bai na favor di SGB lokual ta trata pago di salario. Pues SGB no mester paga P. niun salario. Tambe hues a disidí ku P. mester paga 1676 dòler komo gastu di e prosès di e banda di SGB. Esaki ta ménos di loke SGB a eksigí.

Awor mester warda e desishon si Korte lo revoká e desishon di Korte di Apelashon a base di e dokumentu falsu.

Hues lo tuma e desishon aki 29 di ougùstùs próksimo.

Akuerdo pa sigui mehorá edukashon

KRALENDIJK -- Ministerio di Edukashon, Kultura i Siensia, OCW, ta traha huntu ku Boneiru i Saba pa sigui mehorá e kalidat di edukashon riba e islanan. Esaki Minister di OCW, direktiva di skolnan riba ámbos isla, Sentro di Ekpertisio pa Kuido den Edukashon, EOZ i diputadonan di e entidatnan públiko di Boneiru i Saba, a palabrá.

E kolaborashon ta en-

foká su mes riba entre otro reklutá i informá personal den enseñansa, profeshonalisashon di direktivanan di skol, atenshon pa multilingualismo, mantenshon di edifisio di skol, mihó transishon pa enseñansa avansá i desaroyo di un vishon riba alfabetisashon digital.

E akuerdonan ta ankrá den e asina yamá agènda di enseñansa pa kada isla, ku tur partido enbolbí a firma digitalmente. Ta elabo-

rando riba e detayenan di e akuerdo i lo publiká esaki na ougùstùs. Ta inisiá ehèkushon di e agènda di enseñansa mesora den e aña eskolar nobo. E akuerdonan ta kana te ku aña eskolar 2026/2027.

Ministerio di Edukashon, Kultura i Siensia, OCW, ta deliberando ainda ku e partidonan enbolbí na Sint Eustatius pa asina yega na un agènda di enseñansa pa e isla akí tambe.



Programanan di Bonaire.tv

TELBO kanal 70
Flamingo TV kanal 23

Djabièrnè 7 yùli 2023

12.00 Herensia:	Joanita Maria Mercera-Albertus
13.00 Dokumental (Jurino Ignacio):	Zwart op Wit 2 Roots
13.30 Aki Boneiru:	Edifisionan den Rincon
14.00 Herensia Korsou:	Gilbert Felix Basilio
15.00 BAPA:	Salomon (Monchin) Flanders
16.00 Aktualidat:	Marlon Bermudez
17.00 Aki Boneiru:	Machi i Pachi Kultural Vila Antonia 2018
18.40 Herensia Korsou:	Juan Martina
20.00 Herensia:	Leo Josepha 1
21.00 Aki Boneiru:	Dia di Den Gobi, Rincon 2018
22.00 Herensia:	Norman Aguedo Lourens
23.00 BAPA:	Miralda Paula Frans

Tur mèrdia 12'or ta kuminsá un programashon nobo di 4 ora. E programashon aki ta ripití pa 24:00.



SIGURIDAT

Skritura: Salmo 91:1-8

“E lo kubribo ku Su plumanan, i bou di Su halanan lo bo buska refugio; Su fieldat ta un eskudo i un baluarte.”
Salmo 91:4(BS)

Solo ta kima, nos ta usa un parasòl pa skonde di e solo; áwaseru ta kai, nos ta buska un paraplü pa skonde awa. Nos por ta sigurá kontra solo i áwaseru ora nos usa un parasòl i paraplü.

Komo kreyente tin biaha nos kurason, mente, sentimentunan por ta kargá i pisá ku nos mester di un lugá pa skonde i deshogá for di tur trampanan i plannan di e enemigu i di mundu. Nan ta buska di tur forma pa nos desmayá, fada, kansa, tin miedu i asta bandoná e fe. E trabou di e enemigu segun Juan 10:10a ta: “E ladron ta bin solamente pa hòrta, pa mata i pa destruí;”

Ma e versíkulo ariba ta duna speransa, dos manera kon semper nos por ta skondí i sigur serka Dios:

Dor di ta kubrí ku Su plumanan

Dor di buska refugio bou Su alanan

Esaki ta posibel solamente dor di tin un relashon íntimo i diario ku Dios; un bida di orashon i deboshon.

I e versíkulo ta terminá ku un promesa: Su fieldat ta un eskudo i un baluarte.

Ora bo tin mester di siguridat interno; unda bo ta buska esaki? Bai serka Esun Kende ta fiel i fuerte pa kubrí bo físikamente i spiritualmente.

Konfia bo bida den Señor Su man pa bo ta sigurá!

Gilda Beukenboom-Sintjago
Produkshon PGM

Mediatòn ‘Solidario ku Tuti’ a kolektá \$23,433.-

KRALENDIJK -- Koperativa PISKABON ta gradisí tur persona, kompania i organisashon, ku di un forma òf otro a saka un man, duna tep òf idea i yuda djabièrnè último durante di e mediatòn ‘Solidario ku Tuti’, pero tambe durante e dianan promé ku esaki. Un danki grandi tambe na direktiva kompletu i Hunta di Supervishon pa e sosten.

E mediatòn a bai hopi bon i PISKABON por anunsiá ku a kolektá un suma di \$23.433,- durante di e dia.

Segun e pèrmit otorgá pa e kolekta, por sigui kolektá durante henter luna di yùli. Ta bai sòru pa mas buzon ta disponibel rònt Boneiru. Na e momentu akí tin buzon na Van den Tweel Supermarket, Harbour Village Marina, Budget Marine i

Coral Casino.

Por sigui hasi uso di e kuenta di banko di PISKABON: MCB

Boneiru 41412100, ku referensia ‘Solidario ku Tuti’, pa depositá donashon.

Último desaroyo

PISKABON a tuma nota di diferente komentario den notisia i riba media nan sosial i ta lamentá esakinan

profundamente. E koperativa ta para semper habrí pa diálogo i den e kaso spesífiko aki no a keda aserká. Investigashon ta den man di Kuerpo Polisial i PISKABON ta duna tur kope-rashon i ta warda

Resultado

Alabes PISKABON ke a rekordá ku kualke miembro inskribí semper por akudí na e koperativa pa yudansa manera tur miembro sa. Tin fondo limitá ku Entidat Públiko di Boneiru a pone disponibel atraves di Direktorado Komunitat i Kuido pa kasonan spesífiko.

E ta ousiliá hopi pis-kadó ku e fondo akí den nan momentunan difísil i tur ta sumamente kontentu i satisfecho ku e yudansa di PISKABON.

Alabes PISKABON ke bolbe partisipá ku e iniciativa pa e mediatòn no tabata idea òf iniciativa di e koperativa.

Tin hopi komentario negativo i e koperativa ke bolbe mensioná ku a fasilidat e proseso pa hasi esaki posibel a base di iniciativa-nan eksterno di diferente komersiante. Na ningun momentu a privilegiá sr. Emerenciana òf su famia den e kaso akí.

PISKABON tin hopi ehèmpel di kasonan kaminda tambe a saka un man na miembro di un forma òf otro i ta transparente tokante esaki. PISKABON òf su presidente, no tin arte ni parti den asunto òf negoshi di karkó òf baimentu di Aves.



Partisipashon

Kambio interno di destinashon di e Plan di Desaroyo Espasial di Boneiru (ROB)



Entrante **10 di yùli 2023** te ku **25 di yùli 2023** bo por tira un bista riba e diseño di dekreto pa e siguiente kambionan interno di e Plan di Desaroyo Espasial di Boneiru (ROB):

Na e ubikashon di parsela 4-E-3672 na Kaya Dionisia na Antriol, ta añañá e indikashon di konstrukshon ‘master di antèna’ na e destinashon Área Residencial I riba e mapa di planifikashon di ROB (Plan di Desaroyo Espasial Boneiru).

Ta trata di ponementu di un master di antèna nobo pa empresanan di ‘telecom’.

Bo ke tira un bista riba diseño di dekreto di e cambio interno di destinashon ROB?

Mèldu pa traha un afspraak na bali di direktorado di Planifikashon i Desaroyo na Kaya Amsterdam 23 (riba Kámara di Komersio) òf manda un email pa directie_ro@bonairegov.com.

Oranan di ofisina : di djaluna te ku djabièrnè di 08.00 – 11:30 | 14.00 – 16:30.

Bo por wak e diseño di dekreto di e cambio interno tambe digital na www.bonaire-ro.nl.

Bo no ta di akuerdo ku e diseño di dekreto di e cambio interno?

Entre **10 di yùli 2023** te ku **25 di yùli 2023** tur hende por oponé. Skirbi denter di 15 dia un karta kaminda bo ta splika bo opheshon.

Manda e karta akí ku bo nòmber i adrès na Kolegio Ehekutivo di entidat públiko Boneiru. Por hasi esaki via mail pa directie_ro@bonairegov.com.

Detenshon pa manehá bou di influensia

KRALENDIJK-- Alrededor di 1:15 or riba djaluna 3 di yùli, a tuma lugá un aksidente riba Kaya Bamba. Despues ku a hasi un tèst di supla ku un di e

shofùrnan, a resultá ku e tabata bou di influensia.

A detené e hòmber di inisial A.I.T. di 30 aña di edat en konekshon ku manehá bou di influensia di alkohòl.

KPCN ta hasi yamada na doño di outo bandoná

KRALENDIJK—Kuerpo Polisial a nota ku pa basta tempu tin un outo stashoná riba kaminda públiko den e barío di Tera Kòrá.

Ta trata di un outo koló pretu di marka Dodge, modèl Durango SLT, nu-

merá B-11495.

Esaki ta stashoná kantu di kaminda na altura di Kaya Maranon i Kaya Colorado. Un súprika ta bai na doño di e vehíkulo pa kita e outo dentro di 2 biaha 24 ora. Despues di 48 ora, lo laga kita e outo.



NOS FAMIANAN BONERIANO

(15)

Investigashon: drs. John Schermer
Kompilashon: Boi Antoin



Ta importante i interesante pa sa di unda nos a bini. Ken tabata nos antepasadonan? Den un seri di artíkulo BONERIANO ta iluminá orígen di famianan boneriano, basá riba un estudio hasí pa drs. John Schermer durante e periodo di 1993 te 2006. Despues el a pone resultado di su investigashon riba e wèpsait www.bonairefamily.com

West-Indische Compagnie

Ta bon pa para un ratu na West-Indische Compagnie, un nòmber ku a kai na vários okashon kaba anteriormente den e seri aki. Kiko i ken tabata West-Indische Compagnie, abreviá komo WIC? Kon bini nan a bira 'doño' di Boneiru.

E nòmber kompletu di West-Indische Compagnie tabata Geotroyeerde West-Indische Compagnie (GWIC of GWC). Ta trata di un kompania ku a surgi for di e asina yamá 'Republiek der Zeven Verenigde Nederlanden' lantá na 1621 komo un empresa privá, pero ku tareanann públiko. WIC tabata obligá pa responsabilisá su mes na 'Staten-Generaal der Nederlanden'.

WIC a optené di 'Staten-Generaal' un teritorio stipulá riba kua e tabatin derecho di patènt – originalmente 24 aña – dentro di e repúblika hulandes. E teritorio di derecho di patènt aki tabata keda entre e dos meridianonan. E frontera tabata marká pa e meridiano wèst i

E aktividat mas importante

di WIC tabata e komèrsio triángulo riba e kosta wèst di Afrika, Caribe i Nort i Sur Amérika. Den siglo 17 i 18 WIC tabata poseé e monopolio estatal aki aki tambe na kosta kompletu di Sur Amérika i Nort Amérika, te na Newfoundland i Estrecho de Magallanes. Na 1674 WIC a keda likidá, pa despues di un aña kontinuá te na 1792, aña den kua definitivamente el a stòp di eksistí.

E meta tras di strategia di WIC tabata pa afektá e posishon di Spaña i Portugal na Afrika i Sur Amérika. WIC a haña di Staten-Generaal e enkargo durante e Guera di Ochenta Aña pa ekspandé e guerra ku Spaña riba laman, di manera ku e ta desvia atenshon di Spaña for di e repúblika hulandes.

Den tempu ku WIC a haña maneho di Boneiru bou di dje komo un plantashi no tabata pèmití pa komersiantenan djafó bin establese. E indjanan ku tabata aki por a keda. Nan tabatin algun tereno pa kria bestia i planta algu. Ademas nan tabata obligá pa hasi trabou na WIC na momentu ku tabatin hopi trabou ku

e katibunan so no por a hasi. Pa esaki nan tabata risibí pago den forma di profishon i ròm.

Famnan nobo

Mas despues den siglo 18, ainda pues den tempu di WIC, hopi fam nobo ta bin eksistí den e inventario di katibu di WIC. Un di nan na kua mester para ketu ta Emerenciana, for di kua hopi famia aktual na Boneiru ta bini, manera Emers, Emer, Merenciana, asta De Palm.

E fam aki originalmente ta nota riba 'monsterlijst' komo Emerentiana, pues ku un 't' na lugá di 'c'. Esun promé tabata Fransisca, dedusí for di Frans. Kisas e tabata bibá ku Willem Palm? Fransisca su fam ta notá den registro sivil komo Emerencia.

Fransisca a nase na 1775 i a muri na 1865. Pues nasé den tempu di WIC i fayesé na 1865, dos aña despues di abolishon di sklabilitut.

Probablemente e yu mas konosí di Fransisca tabata Felixiana Emerenciana. Ta un persona ku por karta e título di 'Mama Tera Boneiru' ku tur su honor. Por konsiderá Felixiana komo un di e "matriarka"-nan di Boneiru, komo ku el a para na kabes di un famia i henter un generashon ku ta karga su fam.

Ningun kaminda nos ta mira un tata pa dirigí destino di e famia aki, pero sí kada bes echonan di un mama disidido. No tin suficiente palabra pa demonstrá esaki.

E pueblo katibu di WIC Boneiru tabata establese originalmente na Rincon. P'esei mester asumí ku Felixiana, ku tabara un ka-

tibu, tambe a lanta i biba den e barío aki.

Felixiana

Un echo ta ku Felixiana sigur a nase riba suela di Boneiru komo katibu na aña 1810. No ta sigur ku su mama, Fransisca Emerentiana, tambe a nase (1775) na Boneiru. Felixiana su otro rumannan tabata Batist (1893), Egidius òf Jilles (1802), Nicolaas Martis (1804), Pieter (1805), Hendrik (1806), Adriana (1809) i Johannes (1813).

Den su buki 'Isla di Papa Comes' e outor, Pastor Nooyen, ta trese e pensamentu ku Felixiana por ta yu di un tal de Palm. Kisas pa motibu ku dos di su rumannan a haña posishon di bomba i unu labata karga e nòmber di Egidius. Kua de Palm ta keda un misterio.

Na aña 1849 Felixiana ta haña trabou di sirbiente serka paslor di Playa, Pastor Bemardus Smit, i despues Pader Basilio.

Felixiana a haña 6 yu: Maria Louisa (1829), Johannes (1832), Eleuteria (1836), Amalia (1840), Nicolaas (1844) i Anna Christina na 1846. Nan tata tambe ta keda deskonosí. Tur buki di boutismo di Boneiru dje tempu aya a kima den e disturbionan di 30 di mei 1969 na Kòrsou.

Kompra di libertat

Ku un dedikashon pa libra su famia for di sklabilitut, Felixiana ta logra kumpra libertat di tur su 6 yunan i por último ta kumpra su mes libertat tambe.

E yunan a haña e siguijente famnan: Maria Louisa Wajampibo, Johannes Merens, Amalia Filister, Eleuteria Emer, Nicolaas

Filister i Anna Christina Emers. Felixiana mes ta haña e fam Merens.

Despues di abolishon di sklabilitut Felixiana ta biaha pa Kòrsou na 1869 i aya ta kumpra e fam De Palm p'e mes i tur su 6 yunan, plùs pa un yu di Maria Louisa, ku tabara yama Josephine Dorothea Elisabeth. Su yu rmayó, Maria Louisa, a studia pa partera. Ta topa Maria Louisa despues komo doño di diferente tereno i asta komo doño di katibu. Meskos ta sosodé ku Johannes, ku a bira kapitan di barku i despues tambe doño di katibu. Amalia a bin kasa ku Eduard Schermer na aña 1860. Eleuteria a bira sùr Marie Lucie, e promé sùr boneriano.

Den e lista di fam nobo ku e yunan di Felixiana a haña ora el a kumpra nan libertat nos ta haña Maria Louisa ku e fam kopioso di Wajampibo.

E fam straño aki no ta pas di ningun forma den e sistema di duna nòmber na eks-katibu. E fam aki a pone ku mester a hasi mashá esfuerso pa yega na un solushon.

Un posibel spilikashon di nòmber "Wajampibo" ta ku e ta skonde un nòmber pa nos (un misterio?). Si lesa e nòmber aki kabes abou i di patras bini dilanti, òf simplemente mir'é den spil, anto por rekonosé e nòmber 'egidwelern', ku kisas por ta bisa nos ku Maria Louisa su welo, pues tata di Felixiana Emerentiana, ta "welem", yu di "egidius de palm".

Ta esaki por ta e motibu ku su mama, Felixiana a para riba i logra tambe pa karga e nòmber di Felixiana de Palm.



Kuartel prinsipal di West Indische Compagnie na Amsterdam.



Felixiana Emerenciana òf Emerentiana a traha komo sirbiente di pastor na misa i pastorí di Playa.

Entrega sertifikado Skol Amplio Papa Cornes

KRALENDIJK – Na Skol Amplio Papa Cornes tabatin entrega di sertifikado pa e muchanan ku a pasa nan aña eskolar ku éksito. Awor nan ta bai kuminsá un aña eskolar nobo na un skol kaminda nan ta bai topa ku otro hóbennan di poko mas edat.

Poulatinamente nan tambe ta ahustá nan mes na esnan ku poko mas edat i huntu nan ta sigui kana pa yega final di un pasada mas avansá di loke nan a kaba awor.

Riba potrèt por mira momentu di entrega di sertifikado.




The most complete payroll and HR software in the Caribbean!

Payroll Pro
HRM

Download the mobile app!



www.payrollprohrm.com

Entrega diploma Fundashon FORMA

KRALENDIJK -- Fundashon FORMA djamars a hasi entrega di diploma na kantidat di adulto. Na e okashon promé ku a hasi entrega di diploma, Gezaghebber Nolly Oleana, a dirigí palabra.

Oleana: “No laga esaki ta último dia pa studia. Hasi uso di kada oportunitat pa hisa bo konosementu i asina hiba un kalidat di biba mihó. Mi a lanta na kunuku ku poko posibilidat. Pero mi a sigui pa mi desaroyá den bida. Si bo ke ta un

kòki, wak pa bo ta e mihó na mundu. Bo ke ta tata òf mama, wak pa bo duna e yu mas mihó guia posibel. No ta importá edat òf rasa. Sí bo ta hasi algu, hasi lo máksimo. E siman akí ta último siman ku mi ta papia ku studiantenan. E aña akí sí mi ta bai ku penshun. Kada dia di nobo bo mester tuma desishon den bida. No tuma desishon djis pa algu. Laga nos stima nos mes famia i e dushi baranka Boneiru.”

Direktor di FORMA, Soraida Mensche, di su par-

ti a bisa pa FORMA ta un privilegio sera aña eskolar. Fundashon FORMA tei pa yuda e hende pa e logra un di 2 chèn pa siña den bida. Awe 89 kandidata a gradua i kasi 85 porshento ta imigrante. Nan a laga famia atras pa un mihó porvenir. Boso ta siudadano ehemplar. Boso tur a kontribuí na desaroyo di e isla Boneiru. Boso a aportá tambe na Fundashon FORMA.

Lider di tim, Isidoor Riemsdijk: “Boso a yega na un final eskolar. Esnan ku



pa diferente motibu no por a sigui ku skol den pasado, aki boso tabatin e di dos oportunidad i a hasi bon uzo di dje. E diploma di awe ta bisa ku boso a kumpli ku e

Meta di MBO ta pa kada

studiante por funshoná bon den komunidad. Nos no ta igual. Kada un di boso ta diferente. Kada persona tin derecho pa haña un trato igual. Pabien pa boso logro. Awe nos ta aki pa bon ambiente.”



Ku un obelisk na Slagbaai

STINAPA ta skohe pa konmemorá abolishon di sklabbitut

KRALENDIJK -- Dia promé di yùli a tuma lugá un evento di konmemorashon di abolishon di sklabbitut na Slagbaai. E evento organisá pa STINAPA, a reuní dignatari-onan, miembronan di e komunidad i personanan interesá, pa rindi home-nage na e bosnan i ekspe-rensianan ku a duna forma na e historia oral kolektivo di e isla.

E evento di konmemo-rashon a kuminsá ku un presentashon kòrtiku di tempu di sklabbitut i un poema presentá pa Linda Coffie. Siguí pa un dis-kurso di Minister Hugo de



Jonge, Gezaghebber interi-no di Boneiru, Nolly Ole-ana i Xenah Cicilia, kende a representá STINAPA.

Minister De Jonge a enfatisá e importansia di memoria i kompreshon i tambe a enfatisá ku en

realidat Hulanda ta mira i aseptá su ròl den e historia i ta pidi diskulpa.

Gezaghebber Oleana a para ketu na historia i patrimonio di e isla pa por siña for di e lèsnan di pasa-do, miéntras Xenah Cicilia

a ekspresá e gratitut di STINAPA na tur esnan ku a kontribuí pa hasi e even-to i e monumento posibel, rekonosiendo personanan manera Delno Tromp, Ar-thur Sealy, John Schermer, Jan van der Ploeg, Albert Crestiaan, George Thodé i henter e tim di Parke Nashonal Washington-Slagbaai.

Tambe a duna un reko-nosementu spesial na e famia Don Andres i e tim di Cargill, pa nan kontribu-shon pa fasilitá bários arte-fakto ku a dòrna e área di e monumento, loke a alsa su bunitesa i nifikashon.

Delno Tromp a resitá su poema Libertat i tambe a presentá e buki ku el a ski-bi pa mucha. E buki ta un historia fiktisio ku ta desa-roiyá for di wowo di un mu-cha katibu. El a opsekiá e buki na Minister de Jonge i Gezaghebber Oleana. Tur presente na e evento tambe a risibí un kopia firmá di e eskritor.

Na sentro di e konme-morashon tin un obelisk ku su orígen afrikano, ku a presentá na e públiko. A skohe esaki komo símbolo di rekordatorio i reflek-shon.

E obelisk tin un nifi-kashon profundo den e representashon i historia di Boneiru i su trayektoria for di sklabbitut te liberashon. E ta sirbi komo un rekordato-rio di e lugá importante ku Slagbaai ta okupá den his-toria i komèrsio di e isla.

E tono hel vibrante di e

obelisk tin un simbolismo mas profundo. E ta sirbi komo un faro, urgiendo hende pa para i reflehá riba nan historia, patrimo-nio i eksperensia personal. E ta un invitashon pa nos drehta den profundidat di nos pasado, buskando ko-nosementu i sabiduria ku por guia nos na un mihó futuro.

Miéntras ku e obelisk histórikamente a simbolisá komèrsio, awor ta skohe pa re-interpretá su nifikashon. E obelisk ta representá e komienso di un era nobo, señalando e yegada di un área enrikesé, un lugá riku no solamente ku bunita naturalesa, sino tambe ku habitantenan enkantador ku ta prosperando, un lugá riku na kultura ku ta bini di un komunidad diverso.

STINAPA ta ekstendé su gratitut profundo na tur esnan enbolbí den hasi e evento akí un éksito. Boso dedikashon, kompromiso i sosten a sigurá ku e kon-memorashon di abolishon di sklabbitut ta keda un parti importante di historia di Boneiru.

Bishitantenan i habitan-tenan di Boneiru ta invitá pa bishitá Parke Nashonal Washington-Slagbaai pa atmirá e obelisk. E ta keda promé ku e bahada pa yega na e kasnan na Slagbaai.

E parke ta habrí di dja-mars pa djadumingu, for di 8'or di mainta pa 5'or di atardi, ku entrada posibel te ku mitar di dos di atardi.

DRIVE THRU DEALS

ALL PRODUCTS ARE FEB500 QUALITY

REBAR FEB500 6mm-1/4 RIBBED	3.⁹⁹	2.⁹⁹	100007115
REBAR FEB500 8mm-5/16 RIBBED	4.⁹⁹	3.⁹⁹	100045244
REBAR FEB500 10mm-3/8 RIBBED	7.⁹⁹	5.⁹⁹	100010040
REBAR FEB500 16mm-5/8 RIBBED	19.⁹⁹	18.⁹⁹	100010220

WELDED MESH 4mm 2 x 5m 15 x 15cm	34.⁹⁹	29.⁹⁹	100007126
WELDED MESH 5mm 2 x 5m 15 x 15cm	54.⁹⁹	44.⁹⁹	100010807
WELDED MESH 6mm 2 x 5m 15 x 15cm	69.⁹⁹	57.⁹⁹	100010808
WELDED MESH 8mm 2 x 5m 15 x 15cm	94.⁹⁹	84.⁹⁹	100010123
WELDED MESH 10mm 2 x 5m 15 x 15cm	149.⁹⁹	139.⁹⁹	100045251

SAVE WHEN YOU BUILD WITH KOOYMAN!
VISIT OUR DRIVE THRU TO SHOP & SAVE.



DEN PASONAN DI BÒI

E rúbrika aki no ta kos di tur dia den BONERIANO. Ta ora mi tin tempu, gana i tópiko pa skirbi ariba e ta sali. E tres elementonan aki ta hunga un ròl den sali-mentu di e rúbrika aki. E ta mas tantu un kos pa tene mi okupá, pa no lubidá e arte di skirbimentu. Tene tambe e dedenan fleksibel. Tene e tinu bei, purba pa no kai den ripitishon.

Si tin algu ku realmente ta molestiá mi ta kon nos mes hendenan ta trata nos isla. Mi ta referí na kon ta tira sushi unda ku ta. Den mondi, kant'i kaminda, banda di nos kas, pone sushi den kunuku, etc. No ta wega. Maltrato total di nos dushi Boneiru.

Manera boso sa, mi hòbi

ta di kana. Kana den mon-di, pero tambe kana na vários okashon a lo largu di kareteranan di asphalt, manera e trayekto di Mentor te Gurubú, riba vários pida ruta. Kada bes ku mi kana parti di e ruta aki mi ta pone atenshon na sushi kant'i kaminda. Ta un desaster. Tur dia tin bòter di serbes, Guinness Stout, bòter di ròm i li-

monada ta bini aserka.

Mi ta kòrda kla kon, den pre-parashon pa bishita di Rei Willem Alexander, a tuma lugá un akshon di limpiesa grandi den kua Selibon i otro kompanianan tabata embolbí. A limpia hopi bon a lo largu di e kaminda aki.

Rei a bin i rei a bai. Den

febrüari bini ariba bòter, bleki i otro sushi a bolbe akumulá kant'i kaminda. A para bira meskos ku promé. Durante e dianan promé i riba 'Dia di Rincon' mes por a nota ku hopi sushi a aparesé atrobe kant'i kaminda. Ta duna bo rabia i asko. Mi ta keda puntra mi mes: Pakiko? Dikon?

Nos bonerianonan gusta tira falta riba otro. Den e kaso aki sinembargo ta nos mes ta maltratá nos isla di e forma aki. No ta stranhero. Mi a

mira personalmente bòter bashí di serbes sali for di outo di nos mes kai riba kaminda. Bo ta bira deses-perá. No por sigui asina.

Awe den e espasio aki mi ta pone algun foto ku m'a saka durante mi kaminata di djárason último. No solamente bòter, pero muchu mas kos.



Tira un bista boso mes! Mensahe: BAN TENE NOS ISLA LIMPI!



MONCHI & TONCHI

Masha partimentu di diploma i selebrashon e dianan aki

Awèl si, ma haña gana di bai skol bèk djis pa fiesta di graduashon.



KOLOFÓN

Editor: Bonaire Communication Services N.V.
Kaya Irlanda 12,
Tel. 717-8482
Redakshon: extrabon@gmail.com
aviso: avisobon@gmail.com
Wèpsait: www.extraboneiru.com
Facebook: Extra Boneiru

Direktor
Shirley Martis
785-3824
796-3824

Partner na Aruba
Awe Mainta
Partner na Kòrsou
Extra
Partner na Boneiru
Live99

Redakshon
Papi Antoin
Nathaly
Evertsz-Ipcedencia
Velli Gijsbertha
Edson Pietersz
Ibi Piar (deporte)

Layout
Maya Beaumont

Konsehero:
Bòl Antoin
786-6818
Aviso
avisobon@gmail.com



Wer pisá ta opstakulisá aviashon na Schiphol

KRALENDIJK – Djárason mainta despues di algun ora avionnan por a kuminsá baha i subi bèk na Schiphol. Debí na e tempu malu, a anulá tur buelo ku ta yega entre 9'or i 11'or. Buelonan ku ta salí sí por a lanta for di e aeropuerto, pero esakinan tambe pa gran parti a keda anulá.

E kantidat total di buelo anulá ainda no ta konosí, segun Schiphol. Esaki ta dependé di planifikashon nobo di e kompanianan di

aviashon i e sirkunstansianan aktual, segun un deklarashon di e kompania di aeropuerto.

Schiphol ta lamentá e situashon pa biaheronan i kompanianan di aviashon. Ta konsehá pasaheronan pa riba web-site di e aeropuerto pa informashon aktual.

KLM en todo aki a duna di konosé ku a anulá por lo ménos 207 buelo, asina NH Nieuws ta informá. E kanselamentu ta eksplísitamente buelonan Europeo.

KLM lo traspasá biaheronan pa buelonan mas lat.

EasyJet tambe ta spe- ra problema ku buelonan desde Schiphol, pero e impakto presis ainda no ta konosí. Remarkabel sufisiente kompará ku KLM, serka Transavia no tabatin kanselamentu di buelo òf retraso.

Na The Hague Airport na Rotterdam i Eindhoven Airport, tur buelo a sigui normal, segun boseronan di e aeropuertonan.



Eurowings Discover dentro poko tempu pasá

KRALENDIJK -- Eurowings Discover, no brua ku Eurowings GmbH, ta bai haña un otro nòmber i un estilo di kas nobo. E kompania ruman di Lufthansa ya anteriormente tabata pasando riba kambionan grandi dentro di e empresa.

Internamente ya pa hopi tempu no tabata usa e nòmber Eurowings Discover mas. Tantu den vakatura komo riba LinkedIn, e ta Discover. E nòmber kom- pletu di e kompania di avi-

ashon ta bira Discover Airlines.

Aparte di un nòmber nobo, ta introdusí tambe un estilo di kas nobo. E koló püs di e kompania mester traha lugá pa un koló blou. Ku e kambionan di identidat tin bista riba desaroyo mas aleu di e segmento di temporada di fakansi.

E yu mas yòn di Lufthansa Group a bula pa promé biá na yùli 2021 bou di e nòmber Eurowings Discover. A skohe e nòmber for di

emergensia di e pandemia. Dor di e krísis di Corona a originá problemanan finansiero grandi dor di kua tabata impensabel pa lansa un kompania di aviashon nobo eksitoso.

Pa limitá kostonan di promoshon haltu, e konsorsio a skohe pa un nòmber temporal konosí. P'esei desde inisio ya tabata kla ku Eurowings Discover, asina ta disponé di sufisiente medio finansiero, pasa dor di un kambio di nòmber.



Delta ta prohibí app popular di TikTok

KRALENDIJK – Personal di Delta Airlines no por usa TikTok, òf un otro aplikashon mas di e kompania Chines, ByteDance, riba propio telefòn mobil, òf otro aparato.

Delta ta e di dos kompania Merikano ku ta stòp e app. Luna pasá Kas Blanku a apliká e lei 'No TikTok on Government Devices', dor di kua e medidanan ta konta tambe pa tur instansia ku ta sirbi Gobièrnu Merikano, òf tin aksesu na su informashonnan. Mirando ku mayoria kompania di aviashon komersial grandi ta ehekutá buelonan charter pa Gobièrnu i armada, nan mester kumpli ku e lei.

Southwest Airlines tabata e promé kompania ku a introdusí e prohibishon. Kontrario na Delta, ta konta pa e personal solamente pa aparatonan di e empresa.

E paso di Delta ta hopi mas fuerte. Esaki ta in-

diká ku trahadónan mes- ter eliminá e app tambe for di aparatonan personal sí nan ta hasi uso di 'gadgets' pa haña aksesu na sistemanan interno di e kompania. Ta di spera ku den futuro mas kompania di aviashon lo prohibí uso di TikTok.

TikTok pa hopi tempu kaba mundialmente ta bou di kandela. Ta sospechá e empresa Chines madre, ByteDance, di spionahe di usuarionan. Ta sospechá tambe ku informashonnan di usuario ta resultá den man di Gobièrnu Chines.

Apesar di e negativismo, e app tin biá ta trese tambe kosnan positivo pa empresanan. Asina aña pasá Schiphol a bai riba TikTok en buska di un stèm nobo. Ta trata akí di un chansa di promé di aprel.

Tòg a skohe un ganadó for di e reto, ku komo preis por a pasa un dia na e aeropuerto.



**Pa info i komunikado den
Extra/
BONERIANO**

**Redakshon:
extrabon@gmail.com**

**Aviso mail:
avisobon@gmail.com**

STATIA/SABA/ST. MAARTEN

Kambio den gerensia di WINAIR

PHILIPSBURG – Despues di un periodo di 12 aña, Michael Cleaver a tuma despedida komo direktor di WINAIR, e kompania di aviashon establese na Sint Maarten.

Cleaver ta laga tras un kompania ku presensia operashonal sobresaliente i kambionan importante ku a hasi e kompania rendabel den e añanan ku a pasa.

Pa motibu imprevisto a posponé e retiro di Cleaver,

pero awor ku situashon ta stabil, a anunsiá ku e lo retirá na 2023.

WINAIR ta bisa ku nan a selekshoná Hans van de Velde komo e CEO nobo despues di un proseso di selekshon kuidadoso.

Van de Velde tin eksperiensia amplio den industria di biahe i a traha na diferente kompania di aviashon manera TUI Nederland i TUI Frankrijk.



Cleaver, man drechi, huntu ku su anterior sekretaria, Nathalie Lambriex i miembro di Hunta di Supervishon, Hans de Jong.

ROA CN ta despedí di Violet Gumbs

ORANJESTAD (EUX) – ROA CN resientemente a despedí di un di e miembronan di mas bieu. Elyane Nicolaas na e okashon akí a bisa: “Huntu ku miembro di direktiva Maya, ROA CN ta yama ayó na un di e miembronan di mas bieu, Violet Gumbs. El a bin ta traha pa ROA CN desde yùli 2012 i tabata hopi enbolbí for di kuminsamentu.”

Nicolaas a sigui bisa, Gumbs a duna treinen na diferente guia di trabou durante e añanan i tabata skirbi diferente rapòrt di konseho i a organisá e plataforma di merkado laboral.

ROA CN ta gradisí Gumbs pa e 11 aña di servisio di dedikashon i trabou duru. “Nos sa ku lo bo keda ta un balor tremendo pa bo posishon nobo na Statia,” Nicolaas a bisa.

Minister Richardson i SIJB a reuní Sigurá protekshon i bienestar di mucha i famia

PHILIPSBURH – E departamentu pa libertat di adulto i e departamentu di kuido di famia i unidat sentral di e fundashon di institutonan hudisial, tabatin e honor di risibí bishita di Minister di Hustisia, Anna Richardson, dia 28 di yùni.

E bishita a proveé un oportunitat ekselente pa e minister optené bista balioso den e operashonnan di e organisashon i e ròl importante ku e ta desplegó serka

e departamentunan akí dentro di e sistema hudisial. Tambe ta sigurá protekshon na e bienestar di mucha i famia.

Durante e bishita, Minister di Hustisia a topa ku e direktor, miembronan di direktiva i miembronan di staf di e fundashon. A papia ampliamente riba tópikonan pa loke ta trata rehabilitashon di personanan den konflikto ku lei, sosten i kuido di mucha i

famia dentro di e komunidad.

E bishita di e minister no solamente ta sirbi komo rekonosementu pa e trabou i dedikashon di e ofisialnan i miembronan di staf di ámbos departamentu, pero tambe pa proveé un okashon pa identifika áreanan pa mehorashon i estrechá laso entre e sistemanan hudisial.



Minister Richardson i SIJB a reuní Sigurá protekshon i bienestar di mucha i famia

Minister Richardson i SIJB a reuní Sigurá protekshon i bienestar di mucha i famia

Minister Richardson i SIJB a reuní Sigurá protekshon i bienestar di mucha i famia



ROA CN ta despedí di Violet Gumbs

ROA CN ta despedí di Violet Gumbs

ROA CN ta despedí di Violet Gumbs

HULANDA

Pa personanan vulnerabel i personal di kuido

Atrobe bakuna di Corona pa 60 plus na otoño

HULANDA – Hendenan di e gruponan di rísiko, na otoño por bolbe haña bakuna kontra Corona. Ku esaki Minister Ernst Kuipers di Salubridat Públiko ta sigui e konseho di e konseho di kuido ku for di luna pasá ya a boga pa un ront di bakunashon nobo.

Ta trata di hendenan di 60 aña i mas grandi, adultonan i muchanan ku un rísiko haltu médiko, por ehèmpel pasobra nan tin malesa di imunidat i tur hende ku anualmente ta haña invitashon pa tuma prek kontra grip. Esaki ta

un 7.5 mion hende asina, kaminda ta kalkulá ku mas òf ménos 4 mion hende realmente ta tuma bakuna.

Awendia ménos hende ta bira hopi malu dor di Corona. Pero komo ku e vírus probablemente tòg ta keda sirkulá, ta kalkulá ku e protekshon dor di bakuna òf kontagio anterior lo redusí. P'esei segun e minister, ta keda importante pa sigui protehá e gruponan di rísiko kontra malesa i morto.

Bakuna adaptá

Trahadónan di kuido ku tambe ta bini kontakto di-

rekto ku pashèntnan, por rípití e bakuna. E bakunashon ta boluntario i ta e intenshon ku e ta bai sosodé ku un bakuna mRNA di BioNTech/Pfizer ku ta adaptá na e variante aktual di e vírus. Hendenan ku no ke e bakuna mRNA, por haña tambe e bakuna tradishonal.

Kuipers ta skirbi Tweede Kamer ku na òktober e ke kuminsá ku e ront di bakuna nobo, pero esaki ta dependé di e entrega di e bakuna i e tempu di preparashon ku GGD tin mester.

Ofresé henter e po-

blashon ku e bakuna, segun e minister, no ta nesario, pasobra serka esnan bou di 60 aña tin menshon di un

grado haltu di protekshon kontra e vírus. Esaki ta e konsekuensia di protekshon di bakuna anterior.



Pa lèkmentu di informashon

Agente polisial mester bai prizòn un pa dia

AMSTERDAM – E agente polisial ku aña pasá a lèk informashon tokante e sèl di polis kaminda e rèper Lil Kleine tabata será, mes mester bai un dia prizòn. Tambe e ta haña 150 ora

di trabou obligatorio, di kua 50 ora ta kondishonal, Korte di Amsterdam a sentensia.

E agente polisial via media sosial a kompartí obligashon di sekreto i banda di

esei tambe sentensia pa dos delito kontra moral.

Ministerio Públiko a eksigí un kastigu di prizòn di kuaer luna, di kua dos luna kondishonal. Komo ku ya a retirá e hòMBER i e no tin karchi di kastigu, e kastigu a kai mas abou.

For di koleganan e agente di 22 aña a haña tende ku Jorik Scholten, manera e rèper en realidat yama, no ke a kome den sèl, mester a yora i ketu bai tabata pidi sí e por huma. E agente seguidamente a kompartí e informashon riba media sosial. Na e mo-

mentu ei e rèper tabata será den e sèl na Amsterdam riba sospechoso di maltrato. E agente a atmití ku el a lèk e informashon.

“El a kompartí informashon tokante un Hulandes konosí ku tabata será na ofisina di polis serka personanan ku no tabatin nada di aber ku e kaso,” Korte a dikta. Ku esaki el a hasi daño na privasidat di e persona akí.

Banda di esei, Korte a enfatisá, e hòMBER a hasi daño na e imágen di e kuerpo polisial i e konfiansa ku komunidad mester tin den

polis.

Aparte di e lèkmentu di informashon, e hòMBER a hasi su mes kulpabel na dos echo kontra moral na 2020. Via media sosial el a manda mensahe ku tinta seksual pa un mucha muhé kalkulá na 12 aña. Mensahenan kaminda e mucha muhé di e edat ei no por keda konfrontá kuné. Tambe el a manda un foto di su órgano seksual pa e mucha.

E kastigu ku e hòMBER ta haña tin relashon riba tantu e lèkmentu di informashon komo e echonan kontra moral.



Kuater mil ala di tribon interseptá

DEN HAAG – Na e sentro di surtimentu di pòst na Den Haag, Duana a interseptá kuater mil ala di tribon. Esakinan a bin for di Hongkong i tabata na kaminda pa un destinashon na Hulanda, Rijksdienst voor Ondernemend Nederland (RVO), ta bisa.

E kargamentu ta pisá 120 kilo, Omroep West ta

informá.

Ainda no ta kla kon Duana a kai riba e alanan di tribon. RVO ta pensa pa e kargamentu mester a mata 800 pa 1300 tribon. Ta trata di dos tipo di tribon.

Ala di tribon na Hongkong ta un delikadesa, pero no por negoshá ku nan sin mas, pasobra e tribonnan enbolbí ta den

tratado di Cites komo bestia i mata protehá. Esaki ta nifiká ku pa eksportashon i importashon, mester di pèrmit i den e kaso akí no tabatin.

Despues di investigashon, a destruí e alanan di tribon. E servisio di Reino ainda ta hasi investigashon na Hulandesnan ku ta enbolbí den e importashon.



KÒRSOU

CMC i ADC ta yega na akuerdo

WILLEMSTAD— Curaçao Medical Center (CMC) i laboratorio ADC finalmente a yega na un akuerdo ku otro. Den un kombersashon positivo CMC i ADC a yega na un akuerdo pa trata e puntonan di desakuerdo ku media a trese dilanti na inisio di e

siman aki. Ku implementashon di e akuerdonan, ADC por resumí su servisio na CMC, segurando e kontinuidat di kuido na e pashèntnan di CMC atrobe. ADC den dianan benidero lo eliminá e beslag preventivo riba SVB ku tin aktualmente.



Pa intento di asesinato i destrukshon
Polis a detené dama

WILLEMSTAD— Sentral di polis a dirigí un unidat di Punda pa Kaya Kitoki pa un kaso di intento di asesinato i destrukshon. Esaki a tuma lugá riba djamars 4 di yüli. For di informashon preliminar ku polis a logra kompilá, un dama despues di un interkambio di palabra ku su pareha, lo a manda outo riba e

hòmber. Despues a dal ku su outo den dos vehíkulo i un boto i destruí esakinan. Mas lat den kaya Samburgarku a detené e dama T.C.J.M. di 39 aña di edat nasé na Kòrsou. A presentá e sospechoso dilanti di un fiskal ouksiliar ku a ordená su enkarselamentu pendiente di mas investigashon.

Aksidente bou di brùg

WILLEMSTAD— Djárason 5 di yüli sentral di polis a risibí informashon di un aksidente ku a tuma lugá den área di Abraham Mendes Chumanceiro Boulevard. For di investigashon preliminar a sali na kla ku un hòmber ku tabata trahando bou di brùg a kai

for di un altura riba un baranka. E hòmber a risibí un kap na su kabes i tabata keha di doló na su lomba. Ku ambulans di FKA a transportá e víktima den un situashon di atenshon pa sala di emergensia di C.M.C.

Detenshon relashoná ku asesinato

WILLEMSTAD— Kontinuando ku investigashon relashoná ku e kaso di asesinato ku a tuma lugá dia 19 di mei 2023, den Kaya Nubia, polis a hasi un detenshon. Djárason 5 di yüli Tim di Aresto a bai na un kas den Kaya Meteorológiko i a hasi detenshon di e hòmber C.S.M.L., di 24 aña di edat nasé na Kòrsou. Na momento di su detenshon e sospechoso a lòs tirunan dirigí riba miembronan di Tim di Aresto i polis na su tur-

no a tira bèk riba e sospechoso. El a risibí bala na ámbos man. Ku ambulans a transportá e sospechoso pa C.M.C. bou di vigilansia di di Tim di Aresto. Durante di e detenshon a haña i konfiská un arma di kandela. Despues di detenshon, e Tim di Aresto a tene un entrada hudisial na kas di e sospechoso den Kaya Meteorológiko. A presentá e sospechoso dilanti di un fiskal ouksiliar ku a ordená su enkarselamentu pendiente pa mas investigashon.

Renobashon i konstrukshon

Trabounan a inisiá na vèlt di Soto

WILLEMSTAD-- Di parti Gabinete Pisas 2 Gobièrnu di Kòrsou huntu ku FUNDOSA (Fundashon Don Sarto) i Reda Sosial a hasi “groundbreaking” na e vèlt di Soto dia 4 di yüli.

E “Groundbreaking” ta inisio ofisial di renobashon i konstrukshon di e parke di Vèlt Multifunshonal na Soto.

Un soño di Promé Minister sr. Gilmar Pisas ku a bira realidat, despues di a hiba un lucha di hopi aña, kedando firme i sigui perseverá ku hopi determinashon pa sigui lucha pa e bario di Soto i bisindario por tin nan propio vèlt di bala.

Ku sosten di e miembronan di Gabinete Pisas 2 i specialmente e sosten di parti Minister di Finansa sr. Javier Sylvania, lo bai realisá e proyekto.

Di parti Gabinete Pisas 2 tabata presente Minister di Finansa i Salubridat, Medio Ambiente i Naturalesa sr. Javier Sylvania, Minister di Enseñansa, Siensia, Kultura i Deporte sr. Sithree van Heydoorn, Minister di Desaroyo Ekonómiko sr. Ruisandro Cijntje, Minister di Maneho di Gobernashon, Planifikashon i Servisio Públiko sr. Ornelio Martina, Minister di Tráfiko, Transporte i Planifikashon Urbano sr. Charles Cooper i Promé Minister sr. Gilmar Pisas.

Di parti FUNDOSA tabatin presente sr. Sharlon Betrian i su direktiva i tambe tabata presente e Presidente di Sentro di Bario Soto sra. Anamarie Cijntje.

Gruponna di deporte, representantenan di orga-

nisashon i habitantenan di Soto i bisendario tambe tabata presente.

Esnan ku a hiba palabra tabata sr. Sharlon Betrian (FUNDOSA), sr. Rudny Martha (Reda Sosial), Minister di Enseñansa, Siensia, Kultura i Deporte sr. Sithree van Heydoorn i Promé Minister sr. Gilmar Pisas.

Despues di diskursonan a entregá e kontrato di trabou na sr. Vicario di Vic Construction kende lo ta responsabel pa e trabounan di renobashon i konstrukshon di e parke di e Vèlt Multifunshonal na Soto.

Na e okashon tabata Pastor Raul di Parokia di San Antonio de Padua na Soto ku a hiba algun palabra i duna su bendishon



ARUBA

Obispado kier dialogo nacional habri riba matrimonio di mesun sexo

ORANJESTAD -- Diamars ultimo dia 4 di Juli, Obispado Willemstad a dirigi un carta na Presidente di Parlamento sr Edgard Vrolijk, cual ta relaciona cu e topico di matrimonio di esunnan di mesun sexo. Copia di e carta aki tambe a bay pa Su Excelencia Gobernado Alfonso Boekhoudt, tambe pa Prome Minister Evelyn Wever-Croes, Herman Hek kende ta Griffier di Parlamento y otro copia pa Reverendo Andres Maskowiec, Vicario Episcopal Aruba.

Parti di contenido di e carta ta muestra cu un di e

topiconan sensibel reconoci ultimo tempo, ta e tema relaciona cu matrimonio di personanan di mesun sexo. Na mes momento Obispado tambe ta muestra cu por a compronde cu tin un proposicion di ley cu tin cu keda discuti dentro di poco tempo den Parlamento di Aruba, relaciona cu e tema aki. Obispado ta muestra cu no ta intencion di drenta un discusion cu si esaki por of no por pero si cu nan ta boga pa mantene bienestar general semper dilanti di cualquier asunto importante pa comunidad.

Relaciona cu esaki

Obispado ta considera e tema aki di vital importancia, asina importante cu no por trata e tema aki sin mas den Parlamento, sin cu tabatin participacion di henter comunidad, pa medio di un dialogo nacional habri den cual tur interesado- y organisacionnan ta participa den esaki.

Na mes momento tambe ta ser muestra cu Obispado ta lamenta cu nan no a wordo invita como un instituto importante pa cu e 'salud socio spiritual' di comunidad pa cu e tema importante aki y como tal ta urgi Parlamento encaresidam-

ente pa bay den un dialogo habri y sincero, caminda e bienestar general ta ser poni dilanti prome cu e tema di un ley pa cu matrimonio di hendenan di mesun sexo, wordo trata oficialmente den Parlamento.

Obispado a señala cu esaki ta e miho forma pa demostra respet y duna oido pa tur persona cu por ta na favor di e tema aki pero na mes momento e cantidad di ciudadanonan cu ta contra di e proposicion aki.

E carta a drenta na Presidente di Parlamento diamars ultimo y tur cos ta muestra cu ainda e no a ser

atendi pa Presidente di Parlamento mirando cu ayera a tuma luga e reunion publico pa aproba introduccion di 7% di BBO na frontera, cu a dura te den oranan laat di atardi.

No ta resta mas dia pa atende cu e carta aki mirando cu dialuna venidero 10 di Juli reces di Parlamento ta inicia te cu dia 16 di Augustus, pues por spera cu e carta aki lo ser trata te otro luna.

E carta ta firma pa Mgr. Luis Secco, SDB Obispo di Willemstad y Rev. Curtis Meris MBA Kansier.

Vuelo pa y for di Cali-Colombia

Aeropuerto di Aruba ta celebra ruta nobo di Wingo

ORANJESTAD -- Cu masha placer y orguyo Aruba Airport Authority N.V. (AAA) ta anuncia cu Wingo, un aerolinea masha reconocida pa su bon prijsnan, a lansa un ruta nobo, conectando Cali cu Aruba. E evento inaugural a tuma luga diaranson dia 5 di juli y esaki no ta solamente

un logro pa Aeropuerto di Aruba y Wingo, pero tambe ta sirbi pa impulsa y mehora turismo ainda mas y fomenta e conexionnan cu e comunidad local na ambos destinacion.

E celebracion a cuminsa na momento cu e pasaheronan a baha fo'i avion for di e vuelo di yegada

caminda nan a ricibi un caluroso bonbini for di e team di Aeropuerto di Aruba mientras e bailarinan local tabata baila riba ritmo di Carnaval pa entretene nan.

E ceremonia inaugural oficial di e evento a tuma luga den e sala VIP di aeropuerto, caminda dife-

rente minister, ehecutivo di aviacion y invitado a asisti.

Entre e distinguido invitadonan tabata presente Minister di Turismo y Salud Publico, Dangui Oduber, Jorge Jimenez, Sales and Distribution Director of Wingo, Ronella Croes CEO di ATA y Joost Meijs kende ta CEO di Aruba Airport Authority. E evento a termina cu e cortamento di cinta tradicional y un cortamento di bolo cu ta simbolisa e inicio oficial di e operacionnan di e ruta nobo aki.

Inicialmente a anuncia e ruta den luna di maart di e aña aki como un servicio pa e temporada di zomer pero debi na e cantidad positivo di reservacion, a

yega na un acuerdo pa extende e servicio te cu high season incluyendo e lunanan di december di aña 2023 y januari di aña 2024. Cali ta e di tres ciudad di e aerolinea aki, mirando cu nan ta dunando servicio na e ruta di Bogota, Medellin y awo Cali.

E ruta directo y nobo aki ta conta cu un capacidad di 1.500 asiento adicional y ta brinda e pasaheronan mas conectividad den Colombia y Latino America cu Wingo.

Ademas na e atribucionan remarcabel, Aruba ta sobresali como un destino internacional exclusivo cu tabata testigo di un aumento substancial di e frecuencia durante aña 2023.



DEPORTE

Real Rincon a golia Estrellas 5-0

KRALENDIJK--E kampionnan di futbòl di nos isla ku ta SV Real Rincon di Rincon, djárason último 5 di yùli 2023, den partido di futbòl bálido pa Kopa Dia di Boneiru 2023, a golia SV Estrellas di Nort Saliña ku skor di 5-0, esaki

den partido 8or anochi den Stadion Antonio Trenidad na Rincon. Pa loke ta e golnan di e partido, unu tabata outogol.

E promé gol di e partido anotá pa Quintly de Palm, tabata na di 24 minüt di e partido.

Na di 42 minüt, tabata Nathan van Arneman ku ta hasi e partido 2-0 pa Real Rincon.

Na di 45 minüt di e partido, tabata Mayron Serberie ku ta hinka outogol den su kontra pa hasi e partido 3-0 pa SV Real Rincon.

Di dos mitar di e partido, pa ta mas eksakto na di 80 minüt di e partido, tabata Leomar Janga ku a amplia bentaha di SV Real Rincon na 4-0.

Por último riba e anochi di wega djárason último, tabata na di 90 minüt di e

partido, ku Rainiger Goe-loe ta hasi e partido 5-0 pa Real Rincon, skor tambe ku e partido a finalisá kuné.

Ku e resultado aki e kampionnan di SV Real Rincon ta logra otro vikto-ria den e torneo pa Kopa Dia di Boneiru 2023.

Boneiru a gana den wega di treinen na Merka

KRALENDIJK--Nos selekshon di beisbòl di nos futuronan di U8

ku ta na Merka pa un torneo, esaki den partido

di treinen i di preparashon pa e torneo internashonal, a gana di e tim Maroot All Star ku skor di 12-6.

Nos muchanan di

Boneiru den e partido di treinen, e partido di preparashon pa e torneo ofisial, tabata grandi demostrando tremendo

abilidadat den e deporte di beisbòl.

Nos selekshon manera nos a informabu kaba e siman aki, a biaha bon prepará pa topa ku e timnan di paisnan grandi den e torneo.

Nos lo sigui esaki

di aserka for di Merka, tratando na haña e informashonnan pa informá abo ku ta dependé di nos, pa duna abo tur e informashonnan di nos selekshon U8 di beisbòl den e torneo aya a Merka.

Pa violá lei di konstrukshon

Neymar ta haña multa

Rio di Janeiro-- Outo-ridatnan brasileru a duna di konosé ku e astro di futbòl Neymar lo mester a haña un multa. Ta trata aki segun e informe, di un multa di 16 mion real, ku ta ekivalente na 3.33 mion dòler pa violá normanan ambiental duran-te konstrukshon di su mansion na sur di Brasil.

E proyekto di luho a violá e reglanan di uso i move-mentu di fuentenan di awa dushi, piedra i santu. Outo-ridatnan lokal a mèldu e kaso pa promé biaha na fin di luna pasá i a konfirmá e kaso riba djaluna 3 di yuli.

Un bosero di Neymar a nenga di komentá riba e asunto.

Su residencia ta na e siudat di Mangaratiba, na kosta sur di e estado brasileru di Rio de Janeiro. E organisashon ambiental di Mangaratiba a bisa den un komunikado djaluna ku a kometé infrakshonnan ambiental "den konstrukshon di un lago artifizial den e mansion." Ademas di e multa, lo bini un investi-gashon di parti di diferente organisashon lokal manera fiskal i ofisina di protekshon ambiental.



Zorg en Jeugd Caribisch Nederland
Ministerie van Volksgezondheid,
Welzijn en Sport

BO TA BAI DI BIAHE?

Ora bo biaha pa eksterior, pa fakansi òf negoshi, bo no ta sigurá pa gastu médiko via bo seguro médiko di Zorg en Jeugd CN (ZJCN).

Pasobra, den eksterior bo seguro médiko no ta kubri:

- Bishita na dòkter di kas òf botika
- Repatriashon den kaso di fayesimentu
- Biahe bèk den kaso di malesa
- Ekipahe òf kosnan di balor

Pa esaki, nos ta konsehavo sera un seguro di biahe serka un agensia di seguro.

Si inesperádamente bo mester di atenshon médiko urgente den eksterior; manera tratamentu di emergensia, si bo keda interná den hòspital, òf bishita na sala di emergensha, ZJCN por duna asistensha ku esaki. Mester tuma kontakto si mes ora ku ofisina di ZJCN.

Tene kuenta ku ta konsiderá Kòrsou, Aruba, St Maarten i Hulanda Europeo komo eksterior.

Bo ta deseá mas informashon? Pasa na bo ofisina di ZJCN òf manda un imeil na info@zorgverzekeringskantor.nl.

Na Miss Petite Belleza Marina Internacional 2023

I-Shilah Benita ta representá Boneiru

KRALENDIJK— I-Shilah Benita ta bai representá Boneiru den e sertámen Miss Belleza Marina Internacional 2023. Resientemente Bonaire International Art & Talent Academy, BIATA, a apuntá Benita pa ta kara di Boneiru den e sertámen.

Aña pasá Boneiru a logra gana e título máksimo den e sertámen. Na aña 2015 a inisiá ku e sertámen ku e meta prinsipal pa promové playanan di diferente parti di mundu riba un plataforma internashonal.

Banda di esaki tur kandidata promé ku sali nan pais mester ehekutá un proyekto di limpieza di playa na su pais.

E aña aki lo bai bira e di 6 edishon di e sertámen ku lo tuma lugá na Punta Cana, Republica Dominicana den e siman di 15 pa 22 di òktober.

Preparashon di I-shilah Benita ta andando i pronto Boneiru lo tende mas di su proyekto di konsientisashon. Por vota pa Boneiru riba kuenta di instagram Bellezamint



Popularidat ta relativo
P'esei un propio estilo
No solamente pa ta eksitoso
Sino sigur mas balioso

Brò KèS 93.5 FM
pokopoko pero sigur mas i mas hende ta ...
Skuch'è

Telefon/ WhatsApp +599 701 0935
www.radio935bonaire.com

CS35 PLUS

1.4T BENZINE | 260Nm TORQUE | AUTO TRANS. | 158 HP



\$22,995 discount price

SERVICE & PARTS GUARANTEED

CS55 PLUS

1.5T BENZINE | 300Nm TORQUE | AUTO TRANS. | 185 HP



discount price **\$26,995**

5 YEAR WARRANTY